



Ang Tao at Ang Soro
Idries Shah
Sally Mallam





May isang kaakit-akit na soro.



Mayroon siyang malalambot na balahibo at kaakit- akit na balbas.



May pino siya at malagong buntot.



Rowba ang pangalan ng sorong ito.

Isang araw, habang nakaupo siya sa tabi ng daan, ay may dumaang isang lalaki. “Nawa’y hindi ka mapagod!” bati ng lalaki. “Nawa’y lagi kang masaya!” sagot naman ni Rowba.



“Nais kong maging mapagbigay ngayon,” sabi ng lalaki. “Mayroon ka bang nais hilingin?”



“Gusto ko ng manok,” sagot ni Rowba, dahil mahilig kumain ng manok ang mga soro. “Sumama ka sa akin, bibigyan kita!” sagot ng lalaki.

“Marami akong manok sa bahay. Pumunta tayo doon at makakakuha ka ng manok.” “Magaling!” sagot ni Rowba.



At sabay silang naglakad pauwi ng lalaki.



Nang makarating sila sa bahay ng lalaki ay pinahintay ito sa labas. “Maghintay ka muna dito. Pupunta lamang ako sa kulungan ng mga manok upang hulihan ka.”

Ang soro naman ay matiyagang naghintay sa lalaking pumasok sa kaniyang bahay.



Kumuha ng sako ang lalaki at nilagyan niya ito ng mga bato. Magpapanggap siya na manok ang laman ng sako. Hindi niya talaga bibigyan ng manok ang soro.



Agad na binigay ng lalaki ang sako kay Rowba. "Ito na," saad ng lalaki, "manok ang nasa loob nito."

"Napakabait mo!" puri ni Rowba at akmalang bubuksan ang sako upang kainin ang mga manok. "Huwag!" Biglang pigil ng lalaki. "Huwag mong buksan dito." "Bakit?"
>"Kasi," paliwanag ng lalaki, "baka may magsasakang makakita sa iyo rito at magalit

silá. Ayaw nilang binibigyan ng mga manok ang mga soro."

Pero siyempre, hindi iyon totoo. Ayaw lamang ng lalaki na makita ng soro na bato lamang ang laman ng sako.


"At ano ang gagawin ko?" tanong ni Rowba.



“Nakita mo ang halamanang iyon?” turo ng lalaki. “Dalhin mo ang sako at doon mo buksan. Walang makakakita sa iyo doon at maaari mo nang kainin ang iyong mga manok nang walang istorbo.” “Magandang ideya nga iyan,” sang-ayon ni Rowba. “Maraming salamat!”



At tumungo nga roon ang soro bitbit ang kaniyang sako.







Nang marating ni Rowba ang damuhan ay agad niyang binuksan ang sako. Laking gulat niya nang makita na bato ang laman ng sako. “Nakapagtataka,” sambit niya sa sarili. “Anong klaseng biro ito?”



Nang sumilip siya sa mga talahib, nakita niya na may lambat na nahulog sa kaniya. Ito ay bitag! May mga mangangaso na naglagay ng lambat para makahuli ng mga soro na nagtatago sa talahib.



Noong una ay nag-aalala si Rowba na baka hindi na siya makalabas. Ngunit napakatalino ng mga soro. Naghanap siya ng matulis na bato sa sakong dala niya.


Gamit ito, unti-unti niyang pinagpuputol ang lambat.



Gumawa siya ng butas na kasya ang kaniyang kaliwang paa.



Mas nilakihan niya hanggang sa nagkasya ang kaliwa at kanang paa niya.



At mas nilakihan pa niya hanggang sa naging kasya ang dalawang unahang paa niya at ilong.



Patuloy pa ang kaniyang pagputol, hanggang sa nagkasya ang dalawang paa niya sa harapan, ilong, at ang kabuuan ng kaniyang ulo.



Itinulak at ikinawag niya ang katawan niya.
Hanggang sa...



Nakatakas si Rowba!



Habang tumatakbo pababa ng kalsada
si Rowba, tumawa siya nang tumawa. “
Maaaring isipin ng mga tao na sila ay
matalino,” pagmamalaki niya sa sarili, “ngunit
ang mga soro ay mas matatalino pa rin!”



Ngayon, alam na ng lahat ng mga soro ang kuwento ni Rowba at ng lalaking nangako sa kaniya ng manok. Iyon ang dahilan kung bakit sa tuwing makakakita ka ng isang soro, kung hilingin mo sa kaniya na sumama sa iyo sa paglalakad, hindi niya gagawin. At iyon din ang dahilan kung bakit napakahirap manghuli ng mga soro at kung bakit sila namumuhay nang malaya at masayang buhay.



www.hoopoebooks.com

Teksto karapatang-sipi © ng The Estate of
Idries Shah

Dibuho karapatang-sipi © ni Sally Mallam

Unang inilimbag noong 20 06

Inilimbag sa kasalukuyang edisyon 20 20

LAHAT NG KARAPATAN AY NAKALAHAN

Karapatang-sipi sa buong mundo

Para sa kompletong mga akda ng Idries Shah
tunguhin: www.idriesshahfoundation.org



USAID
FROM THE AMERICAN PEOPLE

RTI
INTERNATIONAL

ABC+: Advancing Basic Education in the Philippines



The Asia Foundation

This book was adapted as part of ABC+: Advancing Basic Education in the Philippines project.

ABC+ is a partnership of USAID and the Department of Education (DepEd), implemented by RTI International together with The Asia Foundation (TAF), SIL LEAD, and Florida State University (FSU).

This book was field tested by Rikka Dela Cruz and was reviewed by Neriza C. Pesigan.

This book was approved for publishing by the Department of Education - Bureau of Learning Resources.

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.

To read more books like this and get further information,
visit: letsreadasia.org

Original Story

Ang Tao at Ang Soro (*The Man and the Fox*). Author: Idries Shah.

Illustrator: Sally Mallam.

Published by Hoopoe Books, © Hoopoe Books.

Translations: © The Asia Foundation, 2022.

Contributing translators: ezekiel manuel, Johnny Refamonte,
David Andrew Lasala, Al Kevin Rivas, Claris Sato, Carlo San Juan,
Terence Kenneth Antonio, David Lasala, Dharyl Mae Degara, John
Carlo Del rosario, Orland Solis, and Sanny Jay-are Magaoay